

Bi 2015 Aen Beizyinbanh Lauxsae Cuengh Gun Song Saw Vah Youq Sangswih Banh

2015 年壮汉双语教师培训班(南片区)在上思县举办

□Lingz Hinghningz Cinz Gizvwnz ing/sij



▲ Gyoengq gyauyenzienz, lauxsae Sawcuengh nyinhcaen bingz goq, guh gyauhliuz.

▲ Gyoengq gyauyenzienz, lauxsae yawjngonz hwnjdangz.

◀ Veiz Lanzmingz cucangj bae sonyinx beizyin caemhcaiq guh cunggez gangjavah.

Vihliux nyinhcaen cunggez gyauhliuz gij gingniemh sonhag Cuengh Gun song saw vah, daezsang Cuengh Gun song saw vah lauxsae sonhag suijbingz, coicaenh hong sawqniemh Cuengh Gun song saw vah sonhag yamqonj guh baenaj, Swcigih Gyauyuzdingh 12 nyied 1~2 hauh youq Sangswih Yen banh le aen beizyinbanh lauxsae Cuengh Gun song saw vah (ranghdieng baihnanz), baenz bak boux Cuengh Gun song saw vah gyauyenzienz, Cuengh Gun song saw vah siujyoz (baugvat yozcenzbanh) lauxsae guzgan Sawcuengh daj Lungzanh, Dwzbauj, Denzlinz daengj 17 aen yienh (si, gih) ranghdieng baihnanz daeuj haenx angq comz daengz Sangswih Yen camgya beizyin. Swcigih Minzcuza Gyauyuzcu cucangj Veiz Lanzmingz bae sonyinx beizyin caemhcaiq youq gwnz hoih cunggez guh aen baugau gvendaengz guh ndei hong Cuengh Gun song saw vah sonhag.

Veiz Lanzmingz youq gangjavah

seiz raemh naeuz, aeu cungfaen roxyiuj gij yiyouqgaenj guh Cuengh Gun song saw vah gyauyuz: It dwg leihyungh gij ndeindiq vahcoj haifat gij coengmingz gvaigvet lwgnyez Bouxcuengh; ngeih dwg swnjcienz caeuq cienzyienz gij vwnzva conzdungj maenhndei Bouxcuengh raeuz; sam dwg gij yaekaeu dangqnaej cungh siujyoz gyauyuz sonhag gajgwz de; seiq dwg gij yaekaeu lauxsae Sawcuengh ciennieb baenzmaj de. Doeklaeng de gujli gyoengq Cuengh Gun song saw vah lauxsae caeuq gyauyenzienz aen lailai bae guh ndei Cuengh Gun song saw vah gyauyuz sonhag caeuq gyauyenz yenzgiu, cungfaen yungh ndei gak cungj gyauyuz cwngzgoj, sonhag fuengsik fuengfap, coicaenh Cuengh Gun song saw va sonhag cizlieng caeuq bonj hagdangz sonhag cizlieng ndaej mboujduenh daezsang.

Baez beizyinbanh neix hingz sik moqsemq, neiyungz lai cungj lai yiengh, gawq cujcz daihgaya bae

yienhciengz yawjngonz eihag dangz goq guhyienh Cuengh Gun song saw vah sonhag, youh comz daihgaya caez guh bingz goq caeuq Cuengh Gun song saw vah sonhag gyauyenz. Gyoengq lauxsae, gyauyenzienz Cuengh Gun song saw vah bae daengz Gyanghbingz Siujyoz yawjngonz eihag le yozcenzbanh dangz goq gyoepyaem Sawcuengh, siujyoz ngeih nienzgaep dangz goq guhyienh sonhag ngeihloih mozsi Cuengh Gun song saw vah le, raen lauxsae sonsaw ndeidingq yinx vwnz, hagseng angqyangz boiqhab, yaugoj sonhag gig ndei, cungj daengj mehfwngh haenx ndei; youq doxcomz bingz goq caeuq faen cuj guh gyauhliuz nem sonhag yenzdauj seiz, daihgaya miz maz gangj maz, danhfanz siengj daengz naemj daengz doiq hong Cuengh Gun song saw vah sonhag miz ndeicawq haenx cungj gangj doh, doxyau gingniemh sonhag caeuq guh yenzdauj, ganggangj gij ndaejdaengz camgya baez beizyin neix, daihgaya cungj souhaeuj lairaeuh.



▲ Hagseng youq gwnz dangz gyoep cih.



▲ Dangz goq Cuengh Gun yozcenzbanh Gyanghbingz Siujyoz.



▲ Lauxsae nyinhcaen son, hagseng haejsim dingq.



▲ Dangz goq Cuengh Gun ngeihloih mozsi caemh mizyinx.

► Hagseng Gyanghbingz Siujyoz caez guh gogenhcauh.

